



**PLANINARSKI SAVEZ FEDERACIJE BOSNE I HERCEGOVINE**  
*MOUNTAINEERING UNION OF FEDERATION BOSNIA AND HERZEGOVINA*

---

Mula Mustafe Bašeskije 63 - TC 'Nove Daire', 71 000 Sarajevo, Bosna i Hercegovina  
tel.: +387 (0) 33 55 56 86, fax: +387 (0) 33 55 56 85, e-mail: psbih1@bih.net.ba

---

**KRITERIJE ZA VREDNOVANJE KANDIDATURE ZA SUFINANCIRANJE  
GRADNJE, ADAPTACIJE, ODRŽAVANJA I HITNOG NUŽNOG  
SANIRANJA PLANINARSKIH OBJEKATA (SKLONIŠTA, KUĆA I  
DOMOVA) U FEDERACIJI BOSNE I HERCEGOVINE KOJI SE NALAZE U  
SISTEMU PLANINARSKOG SAVEZA FEDERACIJE BOSNE I  
HERCEGOVINE**

---

Broj: 94-05/16

11. TRAVNJA 2016.

[www.psbih.ba](http://www.psbih.ba)



Na temelju članka 29. Statuta Planinarskog saveza Federacije Bosne i Hercegovine, Upravni odbor na svom zasjedanju dana 11.04.2016. godine donosi:

**KRITERIJE ZA VREDNOVANJE KANDIDATURE ZA SUFINANCIRANJE GRADNJE, ADAPTACIJE, ODRŽAVANJA I HITNOG NUŽNOG SANIRANJA PLANINARSKIH OBJEKATA (SKLONIŠTA, KUĆA I DOMOVA) U FEDERACIJI BOSNE I HERCEGOVINE KOJI SE NALAZE U SISTEMU PLANINARSKOG SAVEZA FEDERACIJE BOSNE I HERCEGOVINE**

Članak 1.

- (1) Ovi kriteriji pobliže određuju načela za ocjenjivanje pojedinačnih kandidatura za sufinansiranje gradnje, adaptacije, održavanja i hitnog nužnog saniranja planinarskih objekata (skloništa, kuća i domova) koji se nalaze u sistemu PS FBiH iz vlastitog Fonda, kao i za davanje preporuke PS FBiH za nominaciju projekata za sufinansiranje gradnje sportskih objekata na području planinarstva (skloništa, kuća i domova) iz sredstava Federalnog ministarstva kulture i sporta, kao i drugih nadležnih entitetskih i državnih organa i institucija.

Članak 2.

- (1) PS FBiH daje prednost programima i projektima s većim javnim interesom i interesom unaprjeđenja i razvijanja planinarstva na području FBiH.
- (2) Prioritete imaju projekti koji se grade, adaptiraju i održavaju u planinskom pojasu ne nižem od 1200 m nadmorske visine, kao i projekti nužnog hitnog saniranja šteta većeg obima na planinarskim objektima koje su nastale kao posljedica elementarnih nepogoda, bez obzira na nadmorsku visinu.
- (3) Obavezan uvjet za obradu zahtjeva za sufinansiranje i/ili davanje preporuke od strane PS FBiH je dostavljanje službenog zahtjeva na propisanom obrascu i potpisanom od strane ovlaštene osobe/osoba planinarskog društva/kluba uz prilaganje kompletne projektne i vlasničke dokumentacije iz kojih je vidljivo tko je investitor radova i vlasnik konkretnog objekta, i to:
  - za projekte gradnje i adaptiranja planinarskih objekata - glavni projekt, urbanistička suglasnost, dozvola za građenje i zemljišno-knjižni izvadak;
  - za projekte održavanja planinarskih objekata - idejni projekt i zemljišno-knjižni izvadak sa unesenim podacima o objektu;
  - za projekte hitnog nužnog saniranja – idejni projekt i zemljišno-knjižni izvadak sa unesenim podacima o objektu;
- (4) Ukoliko za realizaciju projekta iz oblasti adaptiranja planinarskog objekta nije potrebna urbanistička suglasnost i dozvola za građenje podnositelj zahtjeva prilaže izjavu pod punom zakonskom odgovornošću sa klauzulom o povratu dodijeljenih finansijskih sredstava u slučaju davanja lažnih podataka, ovjerenu kod nadležnog organa (općina, notar). Ukoliko je podnositelj zahtjeva u fazi pribavljanja dozvole za građenje prilaže izjavu pod punom zakonskom odgovornošću sa klauzulom o povratu dodijeljenih finansijskih sredstava u slučaju davanja lažnih podataka, ovjerenu kod nadležnog organa (općina, notar).
- (5) Jedno planinarsko društvo/klub može aplicirati za sufinansiranje samo za jednog projekta.

Članak 3.

(1) Pristigle prijave ocjenjuju se prema sljedećim kriterijima:

- a) kategorija planinarskog objekta,
- b) osiguranje zaštite ljudi i imovine,
- c) zaštita okoliša,
- d) završetak započetih investicija,
- e) ispunjavanje obaveza prema PS FBiH,
- f) dosadašnje financiranje po ovom osnovu od strane PS FBiH,
- g) osigurano financiranje iz drugih izvora,
- h) zaštićena područja i
- i) sadržaj (karakter) investicije.

Kriterij	Bodovi	Opis bodovanja
<b>a) Kategorija planinarskog objekta</b>	40	I kategorija: dostupni isključivo pješice, najmanje 1 sat hoda
	20	II kategorija: dostupni pješice, najmanje 1 sat hoda, uz postojanje kolskog dostupa do objekta makadamskom cestom dužine najmanje 5 km
	10	III kategorija: dostupni pješice, najmanje 30 minuta hoda, uz postojanje kolskog pristupa asfaltnom ili makadamskom cestom dužine najmanje 5 km
<b>b) Osiguranje zaštite ljudi i imovine</b>	30	Osiguranje protupožarne zaštite (osiguranje izlaza iz viših katova, osiguranje protupožarnih sredstava)
	20	Osiguranje vode za piće (uređenje kaptaza, rezervoara, dezinfekcija vode)
	20	Krov (novi krovovi iz materijala uklopljeni u okoliš i arhitekturu objekta)
	10	Hidroizolaterski radovi (zaštita protiv vlage temelja, podruma i ukopanih zidova)
<b>c) Zaštita okoliša</b>	30	Prečišćavanje otpadne (kanalizacijske) vode iz objekata (gradnja bioprečistača, opsežna sanacija postojećih prečistača, dogradnja tercijarnog stupnja čišćenja)
	20	Opskrba električnom energijom iz obnovljivih izvora (novogradnja, obnova ili dogradnja fotoelektričnog sistema, korištenje energije vjetra, male hidroelektrane, sistemi za istodobnu proizvodnju električne energije i toplotne energije)
	20	Mjere za povećanje energetske efikasnosti (termo fasadni sistemi, fasadna stolarija, sistemi za aograničavanje vrše potrošnje energije)



Kriterij	Bodovi	Opis bodovanja
	10	Postupanje sa krutim otpadom (strojevi za smanjenje zapremine otpadaka, postupci za smanjenje količine otpadaka)
<b>d) Završetak započetih investicija</b>	10	Projektom se potpuno završavaju investicije iz prethodnih godina
<b>e) Ispunjavanje obaveza prema PS FBiH</b>	10	Sve finansijske obaveze prema PS FBiH ispunjene
<b>f) Dosadašnje financiranje po ovom osnovu od strane PS FBiH</b>	20	Do sada nije financirano
	10	Do sada financirano, ali ne u zadnje 3 godine
<b>g) Osigurano financiranje iz drugih izvora</b>	15	Osigurano vlastito financiranje i financiranje iz dotacija, donacija i sponzorstava u vrijednosti višoj od 75%
	5	Osigurano vlastito financiranje i financiranje iz dotacija, donacija i sponzorstava u vrijednosti višoj od 50%
<b>h) Zaštićena područja</b>	10	Objekat se nalazi u proglašenom zaštićenom području (nacionalni park, park prirode, regionalni park, opći (strogi) rezervat prirode, posebni (specijalni) rezervat prirode, spomenik prirode, memorijalna prirodna dobra i spomenik oblikovane prirode)
<b>i) Sadržaj (karakter) investicije</b>	-20	Investicije koje uključuju također i nabavku opreme za ugostiteljski (restoranski) dio objekta u opsegu većem od 10% predviđene investicije

- (2) Kriteriji 2 i 3 se međusobno isključuju. To znači da, ako zahtjev prema karakteru obuhvaća investiciju koja sadrži oba ova kriterija, bodovi će biti dodijeljeni onom kriteriju koji je u sadržajnom i finansijskom smislu značajniji (predstavlja više od 60% ukupnih troškova projekta).
- (3) Ukoliko dva ili više pristiglih zahtjeva prilikom bodovanja imaju isti broj bodova u obzir će se uzeti bodovi postignuti na ključnim kriterijima (a), b) i c)).
- (4) Ukoliko dva ili više pristiglih zahtjeva imaju potpuno identično bodovane po gornjim kriterijima, daljnja ocjena zahtjeva izvršit će se vrednovanjem kompletne projektne dokumentacije.

#### Članak 4.

- (1) UO PS FBiH će usporedo sa objavljivanjem javnog poziva za podnošenje zahtjeva za sufinansiranje gradnje, adaptacije, održavanja i hitnog nužnog saniranja planinarskih objekata (skloništa, kuća i domova) koji se nalaze u sistemu PS FBiH iz vlastitog Fonda, kao i za davanje preporuke PS FBiH za nominaciju projekata za sufinansiranje gradnje sportskih objekata na području planinarstva (skloništa, kuća i domova) iz sredstava Federalnog ministarstva kulture i sporta, kao i drugih nadležnih entitetskih i državnih organa i institucija formirati ad hoc komisiju za bodovanje primljenih zahtjeva. Komisija broji 5



(pet) članova (generalni tajnik Saveza, predstavnik Komisije za planinarske objekte i tri člana iz sastava UO PS FBiH), uz imenovanje zamjenika koji postaje član komisije u slučaju da neki od članova komisije je spriječen obavljati svoju dužnost ili je član planinarskog društva/kluba koje je podnijelo zahtjev za sufinanciranje.

(2) Žalbe na rješenje komisije rješava UO PS FBiH i njegova je odluka konačna.

Članak 5.  
(stupanje na snagu)

Ovaj Pravilnik stupa na snagu danom donošenja i objavljivanja.

P r e d s j e d n i k  
Zehrudin Isaković